



MOHD. REDZUAN ZAMBERI

Cari seronok cara berbeza

SWINGER adalah golongan pencari keseronokan dengan cara yang berbeza.

Ketua Seksyen Kerjaya Bahagian kaunseling Universiti Putra Malaysia (UPM), Mohd. Redzuan Zamberi berkata, mereka cenderung untuk mencari kenikmatan dalam hubungan kelamin walaupun perkara itu diketahui melampaui batas.

Malah, mereka juga tidak juga teragak-agak untuk mencuba sesuatu yang baharu bersama pasangan.

Kesannya, budaya yang diikuti dari negara Barat itu hanya akan memporak-perandakan rumahtangga yang dibina.

“Kesannya sangat besar kerana apabila suami yang sepatutnya menjadi pemimpin dan melindungi isteri dan keluarga melakukan sebaliknya, maka akan berlaku perbalahan sesama sendiri.

“Sepatutnya apabila berkahwin suami mempunyai hak eksklusif ke atas isteri tetapi sebaliknya dipertonton dan diperdagangkan pula demi secebis kepuasan,” katanya.

Mengulas mengenai kenapa kebiasannya pasangan terbabit akan berakhir dengan penceraian, katanya, apabila sudah lama melakukan perkara tersebut, lama-lama akan timbul rasa jijik terhadap isteri sehingga mahu berpisah.

“Perkahwinan boleh diselamatkan sekiranya kedua-dua mahu bertaubat, insaf dan kembali kepada tanggungjawab sebenar,” akhirnya.

“

*Suami
mempunyai
hak eksklusif
ke atas isteri
tetapi sebaliknya
dipertonton dan
diperdagangkan
pula...”*